



Annwyl Gwsmer

Ymgynghoriad cyhoeddus lleol - Dweud eich dweud

Swyddfa Bost Dryslwyn
Heol Llanfynydd, Dryslwyn, Caerfyrddin, SA32 8QX

Rydym yn bwriadu symud y gangen Swyddfa'r Post uchod i leoliad newydd – Siop a Chaffi Cymunedol Dryslwyn, Tir Amaethyddol i'r De o Barc Bryers, Dryslwyn, Caerfyrddin, SA32 8QX, lle bydd yn dal i gael ei rhedeg fel un o'n canghennau lleol eu natur, yn amodol ar ymgynghoriad.

Pam ydym yn cynnig y newid hwn?

Fel y gwyddoch efallai, mae ein Postfeistri yn rhedeg canghennau Swyddfa'r Post ochr yn ochr â'u siopau preifat, ac mae'n bwysig iddynt wneud y defnydd gorau o'u hadnoddau i wneud yn siŵr fod eu busnes a'r gwasanaeth Swyddfa'r Post yn llwyddo. Yn yr achos hwn, mae'r Postfeistr wedi gweld cyfle i symud y gangen hon i leoliad newydd er mwyn dal i gynnig gwasanaethau Swyddfa'r Post i'r gymuned leol.

Mae'r adeilad newydd arfaethedig wedi derbyn caniatâd cynllunio a byddai'n cyfuno Siop a Chaffi Cymunedol Dryslwyn a Swyddfa Bost Dryslwyn. Mae'r Postfeistr yn credu'n gryf y byddai hyn helpu i gadw mynediad i wasanaethau Swyddfa'r Post yn lleol, yn ogystal â chefnogi hyfywedd eu busnes. Ein blaenoriaeth yw diogelu ein gwasanaethau yn yr ardal yn yr hirdymor a byddai adleoli Swyddfa Bost Dryslwyn yn golygu y gallem gadw gwasanaeth Swyddfa'r Post i'n cwsmeriaid yn y gymuned leol.

Hoffem gael eich cymorth

Rydym nawr yn dechrau cyfnod o ymgynghoriad cyhoeddus lleol ac mae eich adborth yn bwysig i ni oherwydd bydd yn ein helpu i wneud ein penderfyniad. Mae rhagor o fanylion am y gwasanaethau a fwriedir a hygyrchedd y safle yn y crynodeb o wybodaeth am y gangen yn nes ymlaen yn y ddogfen ymgynghorol hon.

Am beth yn hollol rydym yn ymgynghori?

- **Pa mor hawdd yw cyrraedd y lleoliad newydd arfaethedig?**
- **A yw'n hawdd i chi fynd i mewn i'r adeilad newydd ac i symud o gwmpas y tu mewn?**
- **A ydych chi'n credu y gallai unrhyw faterion cymunedol eraill ddylanwadu ar neu gael eu dylanwadu gan y bwriad i symud y Swyddfa Bost?**
- **Pe bai'r symud yn digwydd, a oes unrhyw beth y gallem ei wneud fel ei bod yn haws i gwsmeriaid?**

Yr Ymgynghoriad Cyhoeddus Lleol yn dechrau	Dydd Mercher 6 Awst 2025
Yr Ymgynghoriad Cyhoeddus Lleol yn dod i ben	Dydd Mercher 17 Medi 2025
Mis y newid arfaethedig	Hydref/Tachwedd 2025

Gallwch rannu eich sylwadau am y newid arfaethedig trwy ein holiadur hawdd a hwylus ar-lein ar postofficeviews.co.uk. Wrth fynd i mewn i'r wefan, gallwch ddefnyddio'r ffwythiant chwilio i gael hyd i'r ymgynghoriad ar gyfer y gangen hon – naill ai yn ôl enw'r gangen, y côd post neu'r côd unigryw ar gyfer y gangen: **404613**.

Sut i rannu eich barn:

Hyb Ymgynghori (postofficeviews.co.uk)

comments@postoffice.co.uk

Ffoniwch: 03452 66 01 15

Ffôn Testun: 03457 22 33 55

FREEPOST Your Comments – D.S. Hwn yw'r cyfeiriad post llawn. Mae eitemau a anfonir drwy Freepost yn cymryd dau ddiwrnod gwaith i gyrraedd pen y daith, ac felly dylech ganiatáu digon o amser.

Eisiau rhoi eich barn yma nawr? Sganiwch yma.

Os nad oes gennych sganiwr cod QR ar eich ffôn, gallwch gael un



Mae'n dda gwybod

- Byddai cwsmeriaid yn cyrchu gwasanaethau Swyddfa'r Post mewn man gwasanaeth modern sydd yn rhan o gownter y siop.
- Trwy gydweithio â'r postfeistr, byddem, pe bai angen, yn addasu patrwm presennol y siop, ynghyd â'r celfi gosod a'r ffitiadau, er mwyn gwneud lle i dil y Swyddfa Bost.
- Byddai'r Swyddfa Bost yn cynnig yr un cynhyrchion a gwasanaethau a'r un oriau agor, fel gall cwsmeriaid ddefnyddio eu cangen pan fo hynny'n gyfleus. Mae canran uchel o gwsmeriaid yn fodlon â changhennau lleol eu natur, ac mae llawer o gwsmeriaid yn ymweld y tu allan i'r oriau agor traddodiadol.
- Byddai'r holl staff a gyflogid i weithio yn y gangen newydd arfaethedig yn cael hyfforddiant o'r safon uchaf yn barhaus ynghylch cynhyrchion a gwasanaethau, yn ogystal â materion gweithredol a materion yn ymwneud â gwasanaeth.
- Mae'r adeilad newydd arfaethedig wedi derbyn caniatâd cynllunio a byddai'n dechrau cyfuno Siop a Chaffi Cymunedol Dryslwyn a Swyddfa Bost Dryslwyn.
- Nawr bydd posteri a thafenni yn cael eu harddangos yn y gangen er mwyn rhoi gwybod i gwsmeriaid am yr argymhelliad a gofyn iddynt am eu sylwadau.
- Bydd unrhyw wybodaeth a dderbyniwn yn cael ei hystyried yn ofalus wrth i ni baratoi ein cynlluniau terfynol.
- Os ydych yn gynrychiolydd lleol, byddwn yn ysgrifennu atoch eto ar ddiwedd yr ymgynghoriad i ymateb i'r prif faterion a godwyd ac i esbonio ein cynlluniau terfynol ar gyfer y gangen.
- Mae'r ymgynghoriad hwn yn unol a'n Hegwyddorion Ymgysylltu â'r Gymuned. Cafodd yr Egwyddorion hyn eu cytuno â Chyngor ar Bopeth, Grŵp Defnyddwyr yr Alban a Chyngor y Defnyddwyr yng Ngogledd Iwerddon, sef cyrff eirioli statudol annibynnol y defnyddwyr Mae detholiad sy'n ymwneud ag Ymgynghori ar ddiwedd y llythyr hwn.

Os ydych yn gynrychiolydd lleol, byddai o gymorth pe gallech rannu'r wybodaeth hon drwy eich sianeli cyfryngau cymdeithasol a hefyd gydag unrhyw grwpiau neu sefydliadau lleol yn y gymuned – er enghraifft ar hysbysfyrdau, ymhlith elusennau lleol ac mewn meddygfeydd – er mwyn helpu ein cwsmeriaid a'ch etholwyr chi i ddeall y newidiadau y bwriadwn eu gwneud i Swyddfa Bost Dryslwyn. Os hoffech gael cyflenwad o bosteri, rhowch wybod i ni, os gwelwch yn dda. Mae ein manylion cyswllt ar waelod y dudalen gyntaf.

Diolch ichi am ystyried ein hargymhelliad.

Yr eiddoch yn gywir,

Sarah Cottrell

Sarah Cottrell
Rheolwraig Newidiadau Rhanbarthol
Swyddfa'r Post Cyfyngedig

Crynodeb Gwybodaeth am Swyddfa Bost Dryslwyn

Mae yna adegau o bosibl pan fydd rhaid newid oriau agor cangen. Mae'r wybodaeth ddiweddaraf am ganghennau ar ein gwefan www.postoffice.co.uk/branch-finder

Lleoliad Presennol	Y Lleoliad Newydd Arfaethedig																												
Heol Llanfynydd, Dryslwyn, Caerfyrddin, SA32 8QX	Siop a Chaffi Cymunedol Dryslwyn, Tir Amaethyddol i'r De o Barc Bryers, Dryslwyn , Caerfyrddin, SA32 8PL																												
<p>Yr oriau agor presennol</p> <table border="1"><tbody><tr><td>Dydd Llun</td><td>08:30 – 16:00</td></tr><tr><td>Dydd Mawrth</td><td>08:30 – 16:00</td></tr><tr><td>Dydd Mercher</td><td>08:30 – 12:00</td></tr><tr><td>Dydd Iau</td><td>08:30 – 16:00</td></tr><tr><td>Dydd Gwener</td><td>08:30 – 16:00</td></tr><tr><td>Dydd Sadwrn</td><td>08:30 – 12:00</td></tr><tr><td>Dydd Sul</td><td>Ar Gau</td></tr></tbody></table>	Dydd Llun	08:30 – 16:00	Dydd Mawrth	08:30 – 16:00	Dydd Mercher	08:30 – 12:00	Dydd Iau	08:30 – 16:00	Dydd Gwener	08:30 – 16:00	Dydd Sadwrn	08:30 – 12:00	Dydd Sul	Ar Gau	<p>Yr oriau agor arfaethedig</p> <table border="1"><tbody><tr><td>Dydd Llun</td><td>08:30 – 16:00</td></tr><tr><td>Dydd Mawrth</td><td>08:30 – 16:00</td></tr><tr><td>Dydd Mercher</td><td>08:30 – 12:00</td></tr><tr><td>Dydd Iau</td><td>08:30 – 16:00</td></tr><tr><td>Dydd Gwener</td><td>08:30 – 16:00</td></tr><tr><td>Dydd Sadwrn</td><td>08:30 – 12:00</td></tr><tr><td>Dydd Sul</td><td>Ar Gau</td></tr></tbody></table>	Dydd Llun	08:30 – 16:00	Dydd Mawrth	08:30 – 16:00	Dydd Mercher	08:30 – 12:00	Dydd Iau	08:30 – 16:00	Dydd Gwener	08:30 – 16:00	Dydd Sadwrn	08:30 – 12:00	Dydd Sul	Ar Gau
Dydd Llun	08:30 – 16:00																												
Dydd Mawrth	08:30 – 16:00																												
Dydd Mercher	08:30 – 12:00																												
Dydd Iau	08:30 – 16:00																												
Dydd Gwener	08:30 – 16:00																												
Dydd Sadwrn	08:30 – 12:00																												
Dydd Sul	Ar Gau																												
Dydd Llun	08:30 – 16:00																												
Dydd Mawrth	08:30 – 16:00																												
Dydd Mercher	08:30 – 12:00																												
Dydd Iau	08:30 – 16:00																												
Dydd Gwener	08:30 – 16:00																												
Dydd Sadwrn	08:30 – 12:00																												
Dydd Sul	Ar Gau																												
Gwasanaethau ar gael																													
Byddai'r un dewis o gynhyrchion a gwasanaethau ar gael o hyd.																													
Mannau Gwasanaeth																													
Byddai un man gwasanaeth wrth gownter y siop.																													
Mynediad																													
Byddai gan yr adeilad arfaethedig ddrws llydan a llawr gwastad wrth y fynedfa. Y tu mewn, ceid dolen glyw a lle ar gyfer cadair olwyn.																													
Cyrraedd yno																													
Byddai'r gangen newydd arfaethedig tua 50 metr o'r gangen bresennol, ar hyd tir gwastad. Ceid maes parcio i gwsmeriaid gyda lle yn benodol ar gyfer pobl anabl wrth yr adeilad arfaethedig,																													
Y siop	Siop a Chaffi Cymunedol Dryslwyn.																												

I gael yr wybodaeth hon mewn fformat gwahanol – er enghraifft mewn print mwy bras, sain neu braille ffoniwch 03452 66 01 15 neu 03457 22 33 55 (ffôn testun).

Egwyddorion Ymgysylltu â'r Gymuned ynghylch newidiadau i rwydwaith Swyddfa'r Post (detholiad)

Mae fersiwn llawn o'r dogfen hon ar gael ar ein Hyb Ymgynghori - postofficeviews.co.uk

Rydym wedi ymrwymo i ymgysylltu â'n cwsmeriaid a'u cynrychiolwyr ac i'w cefnogi wrth i ni wneud newidiadau i rwydwaith Swyddfa'r Post. Dilynir yr Egwyddorion a ganlyn wrth gyfathrebu am newidiadau i'ch cangen Swyddfa'r Post leol.

Byddwn yn **Ymgynghori** – pan fyddwn yn chwilio am ymateb i argymhellion cyn gwneud penderfyniad ynghylch:

- Cau cangen Swyddfa'r Post yn barhaol⁵
- Adleoli cangen Swyddfa'r Post yn barhaol (gan gynnwys masnachfreinio cangen â Rheolaeth Uniongyrchol i safle newydd).

Byddwn yn cynnal ymgynghoriad cyhoeddus lleol dros gyfnod o chwe wythnos⁶ er mwyn rhoi gwybod i gwsmeriaid, cynrychiolwyr etholedig lleol, Cyrff Eirioli Defnyddwyr, ac elusennau dewisol am yr argymhelliad. Bydd yr wybodaeth hon ar gael hefyd ar-lein ac ar gyfer cangen â Rheolaeth Uniongyrchol cyflwynir datganiad newyddion i'r cyfryngau lleol. Byddwn yn gofyn i gynrychiolwyr etholedig lleol rannu gwybodaeth trwy gyfryngau cymunedol eraill (megis hysbysfyrddau, elusennau lleol, cylchgronau, meddygfeydd, etc.).

Bydd yr ymgynghoriad yn golygu gofyn cwestiynau penodol pan fyddwn yn dymuno cael adborth ynghylch mynediad i wasanaethau Swyddfa'r Post a bydd yn cadarnhau dyddiad y newid os penderfynir bwrw ymlaen. Byddwn yn rhoi gwybodaeth glir am unrhyw newidiadau i wasanaethau yn ogystal â mynediad i'r gangen newydd ac i mewn iddi.

Rydym yn croesawu pob adborth ac mae'r ffactorau isod yn cael eu hystyried wrth i ni wneud ein penderfyniad; disgwylir y gwneir y penderfyniad hwnnw o fewn pedair wythnos i ddiwedd yr ymgynghoriad:

- Mynediad cwsmeriaid i, i mewn i a'r tu mewn i'r gangen /canghennau newydd neu amgen, gydag ystyriaeth benodol i ddefnyddwyr sydd yn agored i niwed
- Unrhyw faterion cymunedol lleol a allai gael eu heffeithio gan yr argymhelliad neu ddylanwadu arno.

Ar ddiwedd y broses ymgynghorol byddwn yn ysgrifennu at gynrychiolwyr etholedig lleol, Cyrff Eirioli Defnyddwyr ac ymatebwyr i'r ymgynghoriad (os yw hynny'n ymarferol) er mwyn cadarnhau ein penderfyniad a rhoi crynodeb o'r materion allweddol a godwyd, ynghyd ag ymateb clir i bob un. Bydd yr wybodaeth hon ar gael ar-lein ac yn y gangen (pan fo hynny'n bosibl).

Cafodd yr Egwyddorion hyn eu cytuno â Chyngor ar Bopeth, Consumer Scotland a Chyngor y Defnyddwyr yng Ngogledd Iwerddon, cyrff gwarchod statudol annibynnol y defnyddwyr.

Beth i'w wneud os ydych yn teimlo na ddilynwyd yr Egwyddorion hyn:

Cysylltwch â ni, os gwelwch yn dda, fel y gallwn ymchwilio i'ch cwyn. Yn ein hateb byddwn yn esbonio a ydym yn credu ein bod wedi dilyn ein Hegwyddorion Ymgysylltu â'r Gymuned a chewch y manylion cyswllt ar gyfer y corff gwarchod defnyddwyr priodol (Cyngor ar Bopeth, Consumer Scotland neu Gyngor y Defnyddwyr yng Ngogledd Iwerddon) os nad ydych yn fodlon â'n hateb. Bydd y corff gwarchod yn gwneud asesiad annibynnol i ganfod a ydym wedi dilyn y broses Egwyddorion Ymgysylltu â'r Gymuned (yn hytrach na'r penderfyniad ei hun) ac yn argymhell unrhyw gamau i'w cymryd ynghylch y cwyn.

postofficeviews.co.uk Ffoniwch: 03452 66 01 15

Comments@postoffice.co.uk

FREEPOST Your Comments

Ffôn Testun: 03457 22 33 55

⁵ Gall fod nifer fach o achosion pan, oherwydd amgylchiadau y tu hwnt i'n rheolaeth, nad oes gennym unrhyw ddewis ond i gau cangen mewn lleoliad penodol yn barhaol. Mewn achosion o'r fath bydd yr ymgynghoriad yn ceisio adborth ynghylch darparu gwasanaeth Swyddfa'r Post arall yn yr ardal.

⁶ Os yw'r ymgynghoriad yn cynnwys mwy na phedair wythnos ym mis Gorffennaf yn Yr Alban a Gogledd Iwerddon neu fwy na phedair wythnos ym mis Awst yng Nghymru a Lloegr, byddwn yn estyn y cyfnod am un wythnos galendr. Ni fyddwn yn dechrau unrhyw ymgynghoriadau cyhoeddus lleol yn ystod y bythefnos sydd yn cynnwys gwyliau banc y Nadolig a'r Flwyddyn Newydd